



Broj: 01-01-2193/23  
Sarajevo, 07.08.2023.godine

Na osnovu člana 70. stav (1), (3) i (6), člana 64. stav (1) tačka b) Zakona o javnim nabavkama („Službeni glasnik BiH“, broj: 39/14, 59/22), člana 4. stav (1) Pravilnika o postupku dodjele ugovora o uslugama iz Aneksa II Zakona o javnim nabavkama („Službeni glasnik BiH“, broj: 2/23), člana 14. stav (2) Pravilnika o javnim nabavkama roba, usluga i radova Javne ustanove „Služba za zapošljavanje Kantona Sarajevo“ Sarajevo broj: 09/1-1382-1-UO/22 od 05.08.2022. godine, a na osnovu Preporuke Komisije za javnu nabavku, broj: 09/3-2192/23JN od 04.08.2023.godine u postupku nabavke Poštanskih usluga za potrebe Javne ustanove „Služba za zapošljavanje Kantona Sarajevo“ Sarajevo, v.d. direktorica *donosi*

**ODLUKU**  
**o izboru najpovoljnijeg ponuđača**  
**u postupku dodjele ugovora o uslugama iz Aneksa II Zakona o javnim nabavkama**

**Član 1.**

Prihvata se Preporuka Komisije za javnu nabavku broj: 09/3-2192/23JN od 04.08.2023.godine i ugovor za nabavku Poštanskih usluga za potrebe Javne ustanove „Služba za zapošljavanje Kantona Sarajevo“ Sarajevo, dodjeljuje se ponuđaču, „JP BH Pošta“ d.o.o. Sarajevo, Ul. Obala Kulina bana 8, 71000 Sarajevo, Ponuda protokolisana pod brojem: 09/3-03/23JN od 14.07.2023.godine, u skladu sa dostavljenim Cjenovnikom usluga „JP BH Pošta“ d.o.o. Sarajevo, s tim da ukupna vrijednost usluga odnosno vrijednost ugovora ne može preći predviđeni iznos od 77.900,00 KM bez PDV-a.

**Član 2.**

Po konačnosti ove Odluke, prijedlog ugovora o nabavci predmetnih usluga kojim će se regulisati međusobna prava i obaveze dostavit će se na potpis izabranom ponuđaču, a u skladu sa članom 98. Zakona o javnim nabavkama („Službeni glasnik BiH“, broj 39/14, 59/22).

**Član 3.**

Ova Odluka objavit će se na web stranici JU „Služba za zapošljavanje Kantona Sarajevo“ Sarajevo, www.szks.ba, istovremeno s upućivanjem ponuđačima koji su učestvovali u postupku predmetne nabavke, shodno članu 70. stav (6) Zakona o javnim nabavkama.

**Član 4.**

Ova Odluka stupa na snagu danom donošenja i dostavit će se svim ponuđačima koji su učestvovali u postupku predmetne nabavke, shodno članu 71. stav (2) Zakona o javnim nabavkama.

**Obrazloženje**

Odlukom o pokretanju postupka nabavke Poštanskih usluga za potrebe Javne ustanove „Služba za zapošljavanje Kantona Sarajevo“ Sarajevo broj: 01-01-2002/23 od 07.07.2023. godine, u postupku dodjele ugovora o uslugama iz Aneksa II Zakona o javnim nabavkama, pokrenut je predmetni postupak javne nabavke.

Procijenjena vrijednost predmetne nabavke iznosi 77.900,00KM bez PDV-a, za period od 18 mjeseci od dana obostranog potpisivanja od strane ovlaštenih lica ugovornih strana ili do utroška sredstava planiranih za predmetnu nabavku, ovisno šta prije nastupi.

Slijedom navedene Odluke, dana 14.07.2023. godine, Obavještenje o nabavci usluge iz Aneksa II broj: 774-9-2-4-22-8/23, poslato je na objavu putem Portala javnih nabavki, zajedno sa Javnim pozivom broj: 01-01-2027/23 od 13.07.2023. godine.

Nakon isteka roka predviđenog za dostavljanje ponuda, Komisija za javnu nabavku imenovana Rješenjem broj: 01-01-34-2050/23 od 20.07.2023. godine, pristupila je pregledu i analizi pristiglih ponuda, te nakon što je utvrđena blagovremenost i urednost dostave, konstatovala je da su u predmetnom postupku zaprimljene dvije (2) ponude i to:

- Ponuda ponuđača „JP BH Pošta“ d.o.o. Sarajevo, zaprimljena pod protokolarnim brojem: 09/3-03/23JN od 14.07.2023. godine,

- Ponuda ponuđača Express Courier d.o.o. Sarajevo, zaprimljena pod protokolarnim brojem: 09/3-06-JN/23 od 21.07.2023. godine, o čemu je sačinila odgovarajuće Zapisnike.

U postupku pregleda, ocjene i analize pristiglih ponuda, Komisija je u Zapisniku o pregledu i ocjeni ponuda broj: 2191/23 od 04.08.2023. godine, a na osnovu prikaza dostavljenih dokaza u smislu kvalifikovanosti istih u skladu sa zahtjevima traženim Javnim pozivom broj: 01-01-2027/23 od 13.07.2023. godine, utvrdila i konstatovala sljedeće:

- da je Ponuda ponuđača JP BH Pošta d.o.o. Sarajevo, protokolirana pod brojem: 09/3-03/23JN u skladu sa kriterijima iskazanim okvirom Javnog poziva, te da isti svoju kvalifikovanost potvrđuje dostavljenim dokazom o ispunjavanju uslova za obavljanje profesionalne djelatnosti koja je u vezi sa predmetom nabavke, što ponudu nadalje čini prihvatljivom. U nastavku evaluacije konstatuje da je ponuda ponuđača Express Courier d.o.o. Sarajevo, protokolirana pod brojem: 09/3-06-JN/23, dostavljena u skladu sa uslovima kvalifikacije utvrđenim sadržajem Javnog poziva.

Nadalje, uzimajući u obzir činjenicu da je kriterij za dodjelu ugovora najniža cijena, Komisija cijeni da usporedbom Cjenovnika oba ponuđača, ponuđač JP BH Pošta d.o.o. Sarajevo sadržajem cijena predmetnih usluga nudi niže cijene od ponuđača Express Courier d.o.o. Sarajevo, koji u okviru dostavljenog cjenovnika dodatno obračunava doplatu za gorivo na ponuđene cijene.

Dokaz tvrdnji, Cjenovnici ponuđača: JP BH Pošta d.o.o. Sarajevo i Express Courier d.o.o. Sarajevo.

Slijedom prednje iznesenog, primjenom člana 64. stav (1) tačka b) Zakona o javnim nabavkama („Službeni glasnik BiH“, broj: 39/14, 59/22), člana 4. stav (1) Pravilnika o postupku dodjele ugovora o uslugama iz Aneksa II Zakona o javnim nabavkama („Službeni glasnik BiH“, broj: 2/23), odlučeno je kao u članu 1. ove Odluke.

#### **Pouka o pravnom lijeku:**

Protiv ove Odluke može se izjaviti žalba u roku od 10 (deset) dana, od dana prijema iste, Uredu za razmatranje žalbi, putem ovog Ugovornog organa, a u skladu sa članom 99. i 101. Zakona o javnim nabavkama.

#### **Dostaviti:**

- Svim učesnicima u postupku javne nabavke,
- Evidenciji,
- A/a.

